

清季外交史精

卷五十七 至 卷五十八

二 十 七 卷

醫事考方彙編

卷一百一十五

醫事考方彙編

清季外交史料卷五十七

光緒十一年三月下至四月上

目錄

滇督岑毓英奏收復緬旺及清水清山兩縣摺三月十一日

滇督岑毓英奏已咨鮑超由開化入保樂力顧牧馬片十一日

滇督岑毓英奏南官黃相協等勾賊竄擾解發開化府禁錮片十一日

滇督岑毓英奏劉永福派員赴桂募勇請兌給路費片十一日

滇督岑毓英奏法軍挫敗倉皇失措片十一日

總署奏吉林中俄界務舛錯請派員覆勘據約立界摺十四日

總署奏美國劃還商虧銀兩片十四日

督辦福建軍務左宗棠等奏援臺各營苦戰獲勝因援斷退師摺十

五日

兵部尙書彭玉麐奏款議雖定仍宜嚴備摺十五日

滇督岑毓英奏收復越南廣威府不拔縣摺附旨二十三日

前桂撫潘鼎新奏攻克文淵及諒山省城摺二十三日

李鴻章希元奏吉林與朝鮮通商派員督理商務摺四月初一日

彭玉麐張之洞倪文蔚等奏越防各軍克敵情形摺初二日

粵督張之洞奏唐景崧一軍越境會剿及遵旨撤兵摺
附譯書報三件初二日

滇督岑毓英奏遵旨停戰撤師仍隨時嚴密整備摺附單初八日

滇督岑毓英奏條約未定遵旨嚴防並呈越中路程單片
附單初八日

督辦廣西軍務蘇元春等奏官軍在關前隘克復一州一府摺
十二日

清季外交史料卷五十七

黃巖弢夫王彥威輯

男希隱亮編

孫孝章敬立校

滇督岑毓英奏收復緬旺及清水清山兩縣摺

雲貴總督岑毓英奏爲分兵收復緬旺及清水清山兩縣暨臨洮各路
屢獲勝仗大挫兇鋒並聯絡越民勦辦情形事竊臣於光緒十一年正
月二十五日曾將賊援衝突左域劉團不支圍師施放地雷大挫賊鋒
歛守老營各情奏報在案本年正月二十日欽奉十三日電寄諭旨岑
毓英張之洞電稱雲粵各軍力攻宣光苦戰不退等語官軍奮勇進攻

深堪嘉尙着岑毓英鼓勵各將領將宣光剋日攻拔迅奏膚功據探援寇將到並聞有太原法兵圖犯宣光後路之說着督軍扼紮嚴密防範毋爲所乘二月初七日又奉正月二十一日電寄諭旨李鴻章轉電岑毓英奏宣光軍情已悉丁槐唐景崧督隊猛攻均屬奮勇仍須穩慎進攻相機克復庶不致多傷精銳至力扼援寇尤關緊要着岑毓英督飭劉永福等嚴扼端雄鉅嶺一帶要路認真截擊使彼族不能聯爲一氣攻勦自易得手各等因欽此跪讀之下仰見聖訓周詳莫名感悚臣查劉團自左域潰後紛紛逃遁所部僅存五百餘名至今招回不過千人其部將黃守忠失營逃匿尙未緝獲提督何秀林總兵丁槐仍扼守同安總中門總各舊營安置地雷賊屢攻受擊懼不敢逼二十六日據探

報有輪船三隻並法教各匪由宣光駛回端雄又報山西興化共出法
匪四千餘人教匪八九千人聲言分三路並進一溯流而上進犯清波
一從端雄至珂嶺安平一從緬旺入猛羅俱抄官軍後尾臣聞報當卽
派遣員湯聘珍岑毓寶前往珂嶺浮橋布置並飭丁槐何秀林穩守宣
光舊營飭總兵覃修綱將所帶各營分爲五股盧得志梁世龍嚴守夏
和該總兵督同梁福覃允華各營守清波李應珍同新附越營張文擎
阮文如張樹春陳春檀出臨洮黃建榮岑裕均守錦溪王玉森黃功詠
湯宗政各營由美良出不拔縣廣威府各路擇要相機扼紮堵勦並於
沿途各村寨招附越民就地成營堅壁清野惟查緬旺地方早爲法匪
佔據該處原爲黃佐炎舊屯前接山西興化後通三猛十州非設法早

圖不足以扼其要臣即密飭覃修綱挑派王文岳率奮勇千人及南官范文迪越紳阮文美等用作嚮導前進正月二十六據王文岳報該管帶出平魯社四美市雕梁總一路又招集越民一千五六百人於二十三日突至緬旺該處法教各匪猝不及防我軍奮勇攻擊傷斃教匪百餘人斬獲首級十餘顆賊大潰奔竄遂將緬旺收復並收復附近之清水清山兩縣各寨越民望風來投者又以二千計且各願辦糧供軍以拒法匪二月初一二等日連接李應珍張文擎等報在象山傍村遇賊接戰斬獲教匪數十該匪竄匿象山堅守不出又接王玉珠等報該各營出不拔縣燕毛屯各隘遇賊接戰皆有斬獲初七日賊遽以大股並出臨洮包圍山圍社由義庸李應珍韋雲青各地營覃修綱聞信立督

飭精銳三千人馳援賊正將李應珍營圍住鎗礮如雨李應珍嚴督兵勇堅伏不動賊漸逼漸近該營扯動釘子火地雷轟斃甚多賊卻良久復進該營又俟其逼近鎗礮齊發賊復卻輪番往回自初七日直支至初八日援兵四集面面攻擊李應珍率衆出營奮擊斃賊百餘名身受鎗傷仍力前陣斬五畫一名韋雲青沙如理各身受數傷亦奮進斬三畫二畫各二名匪首十餘級賊死力抵拒覃修綱從後來擊張文擎阮文如陳春檀亦奮力合擊無不以一當十陣斃白帽法匪二百餘名紅衣鬼四百餘名教匪千餘名戰至亥刻賊大敗四面衝潰查點兵丁陣亡三十九名員弁兵勇受傷一百二十餘員共計奪獲洋鎗器械食物皮匣紅白衣褲鬼帽共計一千四百餘件地圖書籍數百件並解到營

越民無不稱快僉謂自法匪入越未有如此次受大創者現將各匪首級竿示越地並將所俘衣物分懸滇省各處示衆以壯士氣而快人心臣查粵軍谷松諒山先後之挫皆由賊暗抄後路以致不能堵挂該匪又欲以制粵者制滇經臣嚴飭將領聯絡越南紳民收復各處要隘層層布置賊計無所施乃併力攻臨洮前營仰荷天威大獲勝捷該夷受此鉅創諒應膽破伏念各員弁或歷盡崎嶇以規復要地或身當鋒鏑以斬將搃旗不無微勞可否仰懇聖恩俯准由臣查明在事出力人員擇尤保獎以示鼓勵之處出自逾格鴻施再越南山西興化太原北寧寧平南定海陽各屬義民陸續歸附願效前驅臣擬皆部勒成營使之遍紮村寨倣照開挖地營安置地雷賊來以地雷轟之必不敢前俟其

糧絕勢孤各城可一鼓而下較之頓兵堅城徒傷精銳利鈍迥殊惟臣營餉項部撥各省十無二三報解支絀萬分前電商兩廣督臣張之洞請再代借商款一百萬飭商人分匯上海源源接濟即以部撥滇軍月餉撥還今未接復電合無仰懇天恩飭下兩廣督臣張之洞再照籌借餉一百萬以抵部撥滇軍月餉藉應急需又越民紛紛求發鎗械並請代購銅帽鎗一萬桿各種逼碼二百萬顆解營濟急不勝惶悚盼望之至謹奏光緒十一年三月十一日

滇督岑毓英奏已咨鮑超由開化入保樂力顧牧馬片

岑毓英片 再提督臣鮑超已於正月十二日行抵雲南省城臣當將館司一路糧運艱難請其由開化出關進駐保樂牧馬高平各情咨商

去後二月初二日准提督鮑超來咨內稱諒山失守粵事緊急現擬移
緩就急改由粵西龍州一路出關於正月二十八日在通海縣行次具
摺請旨恭候批諭再行前進初十日接奉正月二十六日電寄諭旨岑
毓英電稱雲軍糧饟艱難鮑超一軍到開化宜出保樂往防牧馬保樂
糧多如桂軍出攻諒山亦可夾擊等語所籌甚妥着岑毓英飛咨鮑超
迅由開化東趨保樂力顧牧馬一路使桂軍與宣光城外各軍聲息相
通并以截斷援賊應如何相機進兵着岑毓英潘鼎新隨時酌定知會
鮑超辦理等因欽此遵奉之下臣查現在賊逼茆葑牧馬正在喫緊主
事唐景崧率所部前進尙未到防且兵力尙單臣遵即恭錄諭旨飛咨
鮑超並將前據署安平同知覃克振稟稱保樂襄安府代辦有滇軍糧

米四十萬斤撥給鮑軍促其迅速進紮保樂力顧牧馬旋於十一日又接准鮑超咨稱粵省邊防喫緊未便拘泥靜候諭旨定於初五日由臨安先率前隊兼程馳赴廣西援勦已於初四日在建水縣行次拜摺請訓等因計此時鮑超前隊已行抵開化一帶臣又加函囑其進兵保樂直趨牧馬或滇或粵再行相機進取且由開化出牧馬進規諒山較之走粵西龍州至諒山路程更捷所有遵旨飛咨鮑超迅由開化出保樂力顧牧馬緣由謹附片具陳光緒十年三月十一日奉旨知道了

滇督岑毓英奏南官黃相協等勾賊竄擾解發開化府

禁銅片

岑毓英片 再南官被法逆誘脅不克自振經臣宣布朝廷德威率皆

望風嚮義願爲前驅而其間亦有甘心從逆暗地勾結者先後據該國官民密報有夏和縣知縣阮茂潛通法匪當經拿獲監禁復有宣光巡撫黃相協安平府知府陳克良等首鼠兩端近居安平距臣營僅四十里數月並不來見面幫糧米及左域劉團失利私料我軍可乘膽敢詭詞到營求見查探虛實旋據開化巡撫阮光碧密報近有法逆千餘繞至安平抄我軍後尾等語臣一面督飭後路各營嚴密防範一面密遣員弁帶勇兩營前往安平駐紮窺其動靜可疑即將該南官黃相協陳克良拿解到營伏查該南官既不肯爲本國出力隨營自効已屬咎有應得又復勾賊竄擾更屬罪不容誅惟係屬國官職臣未敢擅便除將南官黃相協陳克良阮茂一併解發雲南開化府暫行禁錮恭候諭旨

飭下欽遵辦理外謹附片具陳光緒十一年三月十一日奉旨

滇督岑毓英奏劉永福派員赴桂募勇請兌給路費片

岑毓英片 再記名提督劉永福自左域失利退紮連山總軍心瓦解陸續逃遁所存不滿五百餘名其部將黃守忠之營勇又以全行潰散迄今將及一月多方招集不足五千人戰守兩難進退失據該提督擬派營官吳鳳典李唐魏名高等赴粵西南寧思恩潯州梧州柳州各府地方招募勇丁四千名派營官胡崑山赴粵東肇慶府屬之陽春陽江兩縣地方招募勇丁一千名並乞兌給路費一萬五千兩等情呈請前來臣查該提督自九年失守山西後舊勇所剩無幾所招新勇誠信未孚以致一蹶不振所呈係屬實在情形當卽飭其迅速分赴各地方招

募限五月內成軍除咨明兩廣督撫臣並請在粵東借款應解劉團餉項下到南寧時由左江道彭世昌兌給路費外謹附片具陳光緒十一年三月十一日奉旨

滇督岑毓英奏法軍挫敗倉皇失措片

岑毓英片 再此次賊攻臨洮官軍各營其軍容甚盛與平常接仗隊伍大不相侔及該匪挫敗拋棄衣物鎗重其倉皇失措情景亦與平日敗退迥異數日以來閉營不出尤屬可疑據提督劉永福談稱該提督與接仗多次從未見如此大敗意行間必有正副大帥歿於陣者其軍心始如此潰亂前傳言戰死法公使一名法酋七名查斬俘級只有五畫一名三畫二名一畫二名餘皆尋常匪首與傳言亦不相符現仍遣

謀前往山西興化密探但賊情詭秘卽或魁渠就戮亦斷不肯聲張恐我軍乘隙而進臣將所俘該匪圖籍交接其餘軍火委員齎送兩廣督臣轉飭繙譯查驗或得其實若能仰仗皇上洪福使該國孤拔於中授首則普天臣民同慶矣謹奏光緒十一年三月十一日奉旨知道了

總署奏吉林中俄界務舛錯請派員履勘據約立界摺
總理各國事務慶郡王奕劻等奏爲吉林東界牌博中多舛錯年久失修應請簡派大員會同履勘據約立界以鞏邊防而弭鄰衅事伏查光緒八年十二月二十日據前督辦寧古塔等處事宜吳大澂聲稱咸豐十年中俄條約內載由瑚布圖河口順琿春河及海中間之嶺至圖們江口其東皆屬俄國其西皆屬中國云云現在吉林將軍署內所存紅